



30 Tahun, Satu Ikon: Raikan Tiga Dekad Kegemilangan Dato' Sri Siti Nurhaliza di Konsert pada Julai ini!

Genting Highlands, 25 April 2025 – Peminat setia Dato' Sri Siti Nurhaliza bakal menyaksikan sebuah persembahan muzik yang memukau menerusi **Violet Skies: Dato' Sri Siti Nurhaliza Live In Arena Of Stars** secara langsung! Raikan tiga dekad kegemilangan bersama biduanita negara dalam malam penuh magis yang bakal menggegarkan pentas dengan vokal bertenaga, rangkaian lagu ikonik, dan produksi bertaraf dunia.

Arena of Stars, Resorts World Genting bakal menjadi saksi kepada kemunculan istimewa Dato' Sri Siti Nurhaliza pada 5 dan 6 Julai 2025, jam 8:30 malam. Konsert bersejarah ini menandakan satu lagi pencapaian gemilang selepas kejayaan dua persembahan yang laris tahun lalu. Dikenali dengan vokal memukau, aura pentas yang menawan, serta pesonanya yang mampu memikat hati peminat merentas generasi, beliau bakal membawa penonton menyelusuri perjalanan seni menerusi rangkaian lagu popular yang telah mengukir sejarah dalam industri muzik tanah air.

Dato' Sri Siti Nurhaliza, bintang tersohor Asia Tenggara, telah menawan jutaan hati dengan bakat luar biasa, dedikasi tanpa henti dan karya seni yang terus mekar sepanjang zaman. Sempena ulang tahun ke-30 dalam industri, konsert mega ini bakal menjadi pentas berprestij yang meraikan legasi kegemilang beliau menyatukan peminat setia dan generasi baharu dalam satu malam penuh nostalgia dan kemegahan muzik.

Tiket untuk **Violet Skies: Dato' Sri Siti Nurhaliza Live In Arena Of Stars** bakal menjadi acara yang dinanti-nantikan. Tiket akan mula dijual secara rasmi pada 30 April 2025, jam 3.00 petang. Jangan lepaskan peluang untuk menjadi sebahagian daripada detik bersejarah ini dan saksikan persembahan eksklusif yang pasti memukau! Harga tiket bermula dari RM768 (VIP), RM658 (PS1), RM528 (PS2), RM398 (PS3), and RM278 (PS4).

Sebagai ganjaran, Ahli *Genting Rewards Card* berpeluang menikmati diskaun tetap sebanyak 10% melalui pembayaran tunai, kad kredit, atau penebusan Mata Ganjaran Genting yang hanya sah bagi pembelian tiket VIP, PS1, PS2 dan PS3 sahaja. Setiap pembelian tiket akan dikenakan caj pemprosesan tambahan sebanyak RM4.00.

Jangan lepaskan peluang untuk menjadi sebahagian daripada konsert eksklusif ini! Nikmati malam penuh pesona yang mengimbuai memori, persembahan bertenaga dan keunggulan muzik di destinasi hiburan bertaraf dunia serta resort bersepadu terkemuka di Malaysia. Raikan detik istimewa ini bersama insan tersayang dan alami sendiri keindahan muzik yang memukau saat Dato' Sri Siti Nurhaliza menguasai pentas dalam konsert ulang tahun yang pasti meninggalkan kenangan terindah.

Untuk maklumat lanjut dan pembelian tiket, sila layari rwgenting.com.

– Tamat –

Untuk sebarang pertanyaan media, sila hubungi:

Ms Mei Yeap Lee Mui

Assistant Manager
Public Relations & Media
Genting Malaysia Berhad
Tel: (603) 6105 9447
Email: mei.yeap@rwgenting.com

Ms Nur Fatin Shazreen Ismail

Executive
Public Relations & Media
Genting Malaysia Berhad
Tel: (603) 6105 9411
Email: fatin.shazreen@rwgenting.com

Mengenai Genting Malaysia

Genting Malaysia merupakan salah satu syarikat terkemuka di peringkat global dalam sektor perkhidmatan rekreasi dan hospitaliti. Tersenarai di Bursa Malaysia dengan permodalan pasaran sebanyak kira-kira RM10 bilion, Genting Malaysia memiliki dan mengendalikan rangkaian hartanah resort ikonik, termasuk Resorts World Genting (RWG) di Malaysia, Resorts World New York City, serta Resorts World Catskills dan Resorts World Hudson Valley (kedua-duanya dimiliki sebanyak 49% melalui syarikat bersekutu) di Amerika Syarikat, Resorts World Bimini di Bahamas, Resorts World Birmingham dan lebih 30 kasino di United Kingdom, serta Crockfords Cairo di Mesir. Genting Malaysia turut memiliki dan mengendalikan dua resort tepi laut yang terkemuka di Malaysia, iaitu Resorts World Kijal di Terengganu dan Resorts World Langkawi di Pulau Langkawi.

Terletak pada ketinggian 6,000 kaki dari paras laut, Resorts World Genting (RWG) adalah resort bersepadu utama di Malaysia yang terletak di puncak bukit. Resort ini menyediakan pelbagai kemudahan rekreasi dan hiburan lengkap, termasuk 10,500 bilik di tujuh hotel eksklusif, permainan kasino, taman tema, tarikan hiburan, kedai makan dan runcit, serta pertunjukan bertaraf antarabangsa dan kemudahan konvensyen perniagaan. Dikelilingi oleh kehijauan semula jadi di kawasan bukit pertengahan, Resorts World Awana melengkapkan pengalaman premium ini dengan landskap semula jadi yang mempesona, padang golf pergunungan, laluan kembara hutan yang mencabar, serta berdekatan dengan pelbagai tarikan utama. Selain itu, Genting Highlands Premium Outlets (usaha sama antara Genting Plantations Berhad dan Simon Property Group) menambah nilai kepada pelbagai tawaran di RWG, sekali gus mengukuhkan kedudukannya sebagai destinasi utama rekreasi dan hiburan di rantau ini. Sebagai tempat kelahiran Kumpulan Genting, RWG akan menganjurkan pelbagai acara dan aktiviti promosi menarik untuk menyambut ulang tahun ke-60 Jubli Intan Kumpulan Genting, menawarkan pengalaman yang tidak dapat dilupakan kepada setiap pengunjung.

Genting Malaysia adalah sebahagian daripada Kumpulan Genting, salah satu syarikat multinasional terkemuka dan terbaik di Asia. Kumpulan Genting dipimpin oleh Tan Sri Lim Kok Thay, seorang usahawan visionari yang telah berjaya menjadikan jenama Resorts World sebagai peneraju utama dalam sektor rekreasi dan hospitaliti di Malaysia, Singapura, Amerika Syarikat, Bahamas, dan United Kingdom. Selain itu, Tan Sri Lim Kok Thay juga mempunyai pelaburan yang signifikan dalam pelbagai sektor global, termasuk ladang minyak sawit, pembangunan hartanah, penjaan tenaga, minyak dan gas, pelayaran, serta bioteknologi.